


~ 16
2823
12





唐鄭先生文集卷之十二

七言古題

漁樵問答

一翁一叟兩蒼頭，一釣一樵兩自由。
 字面不須愁死我，心頭何處是清秋。
 不問公侯將相，西晉何如東晉。只恐
 世間無事，不如一箇漁樵。此中真趣，
 豈是色香能與。但得此心，便是箇中
 真趣。

十一
八

門 八 16
號 2823
卷 12

東廓鄒先生文集卷之十二

七言古體

漁樵問答圖

一翁月斧斫雲根一翁虹線釣鰲窟
弛擔維舟兩相忘高談宇宙氣超忽
瓦盆初嘗魚腹腴靈芽亟爨茶烟滄世
間寵辱不關情笑指西林看明月
明月中天浮波心波心不動皎如雪
短篷搖曳漏碎金古松蟠紉舞雄睨
其中精光照千古形形色色無盈缺
但教吾心如明月便是庖羲先天訣

畫鷹爲于尹德芳賦

昭和廿三年
十月十七日
購求

東坡先生集 卷之二十一
一
蒹葭颯颯秋欲老崇厓洗露青如掃蒼鷹得候思騫翻獨整
霜翻睨層昊曉來未試霹靂手殺氣直覺披幽草重墉狡狐
三窟兔對比形魂應已稿是誰巧奪造化闕凄然悲風起噴
屹曲江美人心獨苦間向羣詫破孤嘆天生形物會有用肯
教自獵雲沙寒行須獻入含元仗更與金屋分臬鸞

和李僉憲元白大水感懷

機槍徃貽西江害嗷嗷赤子咸無賴天遣德星秉威弧一正
泰階謹耆艾餘芬猶令百草枯稟結不堪輸官租淫雨何事
忍相厄滿目麥苗隨水通良疇蜿蜿蛇龍登魚鼈鼓勇勢相

承東望朝暾竟何在欲補漏天將誰憑可憐漂齧掛山阜更
有乘船來催賦巢木如草窳喧虺萬里帝車無處訴我欲騎
鯨呬旻天江流幾時復桑田撫扶義和攬威采約束屏翳勿
狂顛似聞九旂征駕息貫索七星有喜色行令彪孱飽倉庾
更飭官吏祛蠹賊昔在周宣憂薦饑末年百蠻獻豹皮後王
不省食肉糜五胡遂令晉鼎移稽首直臣翊 仁后藩宣上
與甫申偶高歌祈招立 皇極兩場合得時若否

與陳惟濬歷覽通天巖將歸賦別

香爐磔硯奔蒼龍昂首勢欲飛長空羣巒如浪蹙溟濛大者

鯤鱗小魴鱗旁摺鱗甲做幽洞相傳一竅與天通濂溪翠微
杳無從疇人初見玉巖翁中有忘歸石龍從騷工文匠恣牢
籠我行與君探竒蹤登高望遠興未窮忘言觀心創西東仰
撥解愠來薰風潮頭雪湧無春冬圓明小巖相腫臃平生清
曠邱壑胸俯躡泰華吞雲夢願將短翮附冥鴻陽明霞佩鐸
瓊瑤功成共證明光宮

元日晨興

山中不知長短更睡覺庭雞喔喔鳴家家兒女喜欲顛擊鼓
四面迎春聲山人亦起約主翁生意須教如春融試有短蓬

本根淺飄飄上下隨狂風

石屋題刻有序

吾邑多佳山水順流十五里巖壑尤美友人劉肇袞彭簪
列君之夙命山靈以待同志秋風時來衣冠四集由石峯
轉巒巖歷東陽以入石室撫景對時更觴互歌鄙詐盡遺
形神俱融悵嘉會之不早也因賦詩以告來者時同遊王
薊王釗王仰王學益王世俊劉瓊治周業孔地主則彭延
彰彭璜周旦凡六日而歸

秋風初動遠遊興閒上石峯披幽徑小巖列坐皆勝友啜茗

高歌不知賸探竒更試習巖目四山歛翠平蕪綠澄川夾出
浮青蓮怪石突倚削蒼玉東陽五老似相招涉江濯足入岩
堯石洞高朗闢華屋四壁圖畫滄海濤斧鑿不藉公輪巧山
蕪始知文仲勞疑是仙翁煉藥室神移鬼運風颼颼丹成瓦
跨黃牛去獨與白雲相遊遨小洞別宴如畫舫石勢參差湧
驚浪安得勁棹挾蛟龍直泛扶風蓬萊上俯首車馬夕照中
競從蝸角爭雌雄哄然一笑卧烟月深秋共訪葛仙峯

游箕峯酌會仙石遂憇古壇

古菴形勝敞南箕竒石如舌斜翁之何年星隕來此峯披蘆

高坐碧參差崎嶇窈窕飽所經酣來三復歸來辭倚歌四和
商聲急喚得雲歸鬚亦濕兀然如在無懷前鷲駟鶴駕手可
揖衝霧直入歇脚亭仙翁頽然喜相迎紛紛香火乞福澤誰
從一覓至道精惠迪從逆君所知謏詞儗容吾豈聽君家自
有神仙訣左右陟降在帝闕一瓢可貯杏壇春千駟不直西
山蕪回頭細語諸君子須向泰初超生死累善漸長冬至日
去惡一決龍門水莫遣苦海自煎烹坐負勝游亦可泚

登武功絕頂結茆以觀日出

我從石室訪葛仙芒鞋猶帶東陽烟山靈愛客苦淹留九日

陰雨相纏牽東游龍窟西集雲足跡宛轉溟海壘新晴忽報
鐘磬清仰視星河淨娟娟興來侵晨理我髮追逐同志升碑
兀石磴盤回轉長虬觸目揮汗不肯歇俯首萬山波相舂玉
井碎茁青芙蓉澄川交瀑沙磯練比屋斜綫窳房蜂團雲剡
起障我熱兩袖飄飄駕剛風咫尺林木不自辨冷然直入東
吳宮環視上下天一色童僕爭愁雷雨亟恍疑混沌猶未開
手抉玄黃分大極仙公獻竒遽如許指麾白雲鋪下土靈瑣
不放塵氛來獨懸赤日照天府圓光熒熒徹玉京雲擁熒燦
如銀城霓裳羽衣舞踟躕鈞天廣樂鏘九成亥所步幾萬

里次寥無翳海波平洞開肝膽對上帝麤穢一滌丹池清雷
巖石瞰滾雲峽相傳神篆藏瓊匣結茅且倚玄省卧初試囊
中煮石法浩歌呼月正皎皎白兔怯寒杵聲小香爐踴踵手
可爇檀烟撲鼻何縹緲徙倚不覺斗柄斜啟明先驅引絳霞
陽烏振羽若木華金燈眩曜東皇家熊熊竟竟似堪掬朱輪
推出羲和車人間此際方熟睡誰識九中第一義羣蝨莫咲
阮籍狂溷廁爭中李赤魅屈指竒觀此爲雄青原玉巖皆下
風脂車便欲入鄒魯丹檢一啟泰山封

贈鄒善復內史

曲肱高卧春思幽不知小車來遠遊驚喜細話金陵事屈指
歲星又一周門生兒子皆純雅摘蔬瀹粟聊淹留酒酣壺矢
且爲樂童冠更歌鹿呦呦月桂當窗亦喜客紅蕙正綴綠枝
頭折花泛酒相酬酢高詠疊疊發冥搜曉日遙行溪山曲灌
木呈秀新泉瀏閒雲時逐惠風轉冲情直與和氣游可憐塵
世多偏窄達觀一咲如浮螭趨羶競臭恒苦饑豈知醜毒隘
其喉我從仙翁窺秘訣凡骨欲蜕尙無由珍重飛霞有夙緣
努力桑田卽瀛洲

大水上當路諸公

去年大水披山足今年大水沒山腹父老驚呼百年無沿村
隔巷相號哭壯陽稚陰胡不時高谷深陵自反覆直疑祝融
闕炎光遂使陽侯翻坤軸沙礫遠吞桑麻地蟲象入據衣冠
屋經界何從終善政大倉誰與輸官粟安得抗謨正版圖莫
遣逋賦勞敲朴蒿目猶望河內節枵腸爭飽青州粥方今德
星照豫章監司郡邑森如玉哀歌一曲徹民風叩首浮雲待
朝旭

佛郎機手卷爲見素林先生賦

狂鯨掉尾豫章城磨牙勢欲啗神京鱗鱗雜沓江水腥懷襄

汨汨東南傾天遣砥柱屹陽明鐵壁萬仞障秋冥鄱湖一戰
 妖氛清坐令四海洗甲兵見素老翁天下英孤臣血淚滴滄
 溟佛郎機銃手所試問關遠寄憂國誠震霆一擊鬼魅驚猶
 向纍囚振天聲忠臣孝子氣味同發蒙振落羞漢庭當年還
 記圭峰節易簣含憤猶崢嶸

賦得釣臺贈別俞訥軒

羊裘狂奴蹴天子白頭獨釣寒江水寒江水光沃我饑放筋
 豈必盤中鯉青山不費杖頭錢是處巖穴皆可倚跌坐盤石
 發孤嘯極目浮雲迅如駛三王日遠旃旌微玄纁何來差可

喜誰教偃卧連日夕不及懷仁輔義語真主吏事自有餘痴
 相寬厚能順旨咄咄撫腹大通人籍口巢由聊洗耳吾身潔
 今晚節全故人厚兮帝德美何如忠道相似離貴賤遂令交
 情毀千古心事映寒江至今冠蓋紛椒糝原陵風物已蕭蕭
 雲臺丹青竟何許訥軒老翁神骨壯掛冠早卧桐廬上南來
 鳳林聽金徽矍鑠猶倚看山杖朔風颭颭催歸興問訊釣臺
 尚無恙來年七里會相尋先期為辦梅花釀

卧龍山分韻得綠字

蒼龍高卧會稽腹環列千巖走羣鹿溪流吞吐百川水烟光

鱗次萬家屋拄杖快登望海亭極目滄波浮雲簇良朋傾倒
一杯酒春衫共藉春草綠指點禹穴連秦望一咲千古談某
局當年東遊厭王氣威儀上隘塗山玉至今惟拜文命祠穹
碑祇爲山靈辱西下蓬萊日將斂蒼茫煙霧相斷續欲起卧
龍洗塵寰約東名山俟桃竹

劉伯儒宴湖州郡齋

春晏初登墨妙亭日暮共酌烏程酒方池活水呈鳶魚三峰
恠石森瓊玖平生念此山水窟十年更對金蘭友清歌急管
不知醉月光漏雲時入牖屈指往事發孤咲之餘播間紛鷄

狗惟有正直聳龍象神明所聽良不負請看千里寄民社湖
人再見東坡叟郡齋後樂續高風甲兵行當試老手

馮宗孔燕慈感閣用墨妙亭韻

三年三艤吳興棹主人愛客輒張酒歌聲宛轉奪笙竽醉筆
淋漓堆瓊玖人生富貴安可期但願行樂得良友百尺畫閣
涵烟霧四面青山入戶牖世事悠悠山頭雲須臾豈獨變衣
狗百年蓋棺論自定馨香腥穢兩不負古來冠蓋何赫奕至
今膾炙安定叟萬里馳車路匪遙丁寧轡策常在手

去婦詞寄夏于中萬汝信陳惟濟

佳期方合三星夕誰信一言便離隔本爲君家與家計白日
不照吾心赤歸來空閨自辟纈雨聲夜滴燈影孤猶念君身
重萬金莫道寒氣侵玉膚君家高樓俯廣路爭妍獻秀應如
霧只恐歡盡翊成悲珠襦紛紛逐人去春風低拜月華明素
娥偏解別離情但使短琴能拂拭不辭更與理殘聲

謫仙詞寄王宜學

老蟾擊節素娥泣金簡銀編落雲笈鹿車鶴馭不勝怨白玉
樓中墨猶濕怳怳丹誠將誰訴帝閨閉闕虎豹怒孤劍短杖
逐黃埃煙雨茫茫蒼梧暮手擲蓮葉棹瀧水猶愁玉宇寒如

許丁寧羣兒勿戲狎試問扶風馬孺子

蘭峰贈程大叅時昭

崔崔者峯或被之菑善善者蘭或生之谷崔崔者峰蘭則被
之瞻彼善善交謂宜之惠兮林兮汜以其風維芳菲菲無遠
不降叶淒兮晦兮霜霰其棘斂此方澤庶其來復叶

題彭子持畫雞

永夜沉沉兮陽烏未東雄鳴一聲兮天下以聰順之以爲愛
兮繫子之功

畫鴨

秋水溶溶兮芙蓉方吐
儵然孤泳兮憂鳴以舞
嗟翠羽之雕籠兮羗與子兮容與

棟塘爲李時行乃尊賦

棟之木兮欣欣携書獨休兮與木皆春
咲世態之榮落羗木杪兮浮雲
棟之水兮溶溶駕橋獨徃兮與水皆融
撫紫瓊以孤嘯抱明月兮長終

鳳鳥圖

海日初湧天下明兮有鳳高山
噦其鳴兮氣機相感純粹精

兮相彼曉雲蕩羣蟲兮嗟爾君子與道偕行兮視時升降維
邦之楨兮

贈明壯二弟歸四首

飛飛鵲鴉和鳴中河爾之歸矣我情謂何母曰年少逝如頽
波先君之思視彼蓼莪

鵲鴉飛飛相和以鳴爾之歸矣載側我情母曰耽樂毒逾狂
醒先民之訓無忝爾所生

明也克明爰致其知壯也克壯爰勝其私明而昏斯壯而懦
斯維予之咎予夙夜以思

遷善改過先訓奕奕弗能益于爾曷能自益言念良朋分陰
是惜庶幾牖爾以夙成爾德

聚講雲津父老謝瑤王鸞徵三忠祠詩賦以爲後政告
升快閣兮騁望瞰澄江兮空明循堞兮懷古新祠兮崢嶸
衣兮下拜儼穹碑兮前楹曰山谷兮遺愛暨曹相兮勛各肆
鶴山兮並美耿俎豆兮典刑顧童冠兮興慨閱宇宙兮郵亭
紛縮符兮千禩胡寥廓兮流馨抱葵忠兮報主蔭棠陰兮
撫嫫庶思齊兮後政慰父老兮怔營

齊壽爲張惟靜賦

啟瑞圖兮南宮欲往陳兮浙之東瞻白雲兮千里繪一樂兮
春風春風兮浩蕩審孝思兮安窮羅四明兮爲俎斟東海兮
以豐笑傲仙窻兮烟霧濛濛菊英兮可佩梅羹兮可饗天和
融液兮無秋無冬秉德兮真純揚微兮敬恭將龍光兮方至
儼山海兮深崇

東海篇爲黃久菴宗伯賦

東海兮洋洋明月兮煌煌絢月色兮雲帔釀海波兮霞觴鯨
進舉舞兮樂未央道思往事兮成慷慨抗強宗兮玄纁其儒
門兮縞裳服簡菴兮彤管珍支毅兮青箱先君之思兮吁其

可忘昔焦勞兮藜糗今雍容兮鼎嘗匪天之錫兮曷熾而昌
維天錫兮祇承瞻懿訓兮徬徨移忠誠兮

明庭將鍾阜兮大行

壽慈堂詩三章有序

錢生謔遊于大學有祖母之慶介胡君雲以問壽胡君言
錢氏爲鉅族世居錫山之磚橋母自馬氏相攸歸孟濟甫
生椽及樟孟濟甫卒以勤儉孝義訓二子而督諸孫以詩
禮用弗墜其世予爲題其堂曰壽慈而聲以詩

有堂崇崇錫山之東誰其升之有子融融子其升矣秋旣成

矣有鱸有菰有黍有稌以酌于壽慈有不喜

有堂崇崇磚橋之濱誰其升之雖雖諸孫諸孫盈矣爛其文
矣有圖有書有絲有竹以樂于重闈靡有不恪

有堂崇崇錢氏之居誰其升之賓御訏訏賓之祝矣秉德于
祿維孝維友維嫺維睦以祈于天命靡有不若

我有田詠問津也四章

我有田或生之草我耕弗力我苗用稿踽踽周道茂草生之
羣居而息將孰使耕之

我有子弟饑則哺之我有父兄安忍其饑是耕是耰弗敢邀

以嬉天下饑矣云胡弗思

我征自南我馬玄黃眷我同室怒焉皇皇問爾津矣將與爾
屬之爾弗我告覆謂我棄之

我思唐虞粒我蒸民治亂匪自天罔不由人眷我同室擊壤
以歌我稅我馬樂如之何

題白洋巷卷

予友南山戚子稱其邑尹白洋李子之善古之道不苟毀譽
於人其有所試矣予嘗爲李子記全椒儒學申之以必下必
善之義聖門之取諸水若是其廣也若慨世汗淖濯以清冷

其亦有所託以自盤孟乎爲賦曰洋三章以贊其志辭曰

洋之水其白盈盈兮我濯我質匪直我纓兮

洋之水盈盈其白兮我清我神匪直我質兮

白洋盈盈浸于林杭兮我清我神我濯我質以澤我氓兮

壽西巖顧先生

秋風兮冷冷秋露兮瀼瀼坐西巖兮玩羣芳掛豸冠兮巖顛

繫五馬兮巖之陽芙蓉攬兮成握黃華精兮爲糧有時起立

兮獨對扶桑洗予心兮夜氣晞予髮兮朝陽鷓鴣兮嗶嗶玄

圃兮翺翔啣眞筌兮雲笈酌羽人兮瓊漿橫崑岡兮以笑金

谷銅雀兮茫茫

題希夷圖

陳橋真人秉黃鉞蒼生笑脫蛟龍窟華山削出五千仞石鐫
獨貯先天月朝升玉女峰暮濯白蓮池仙人掌上食沆瀣閑
與安期相娛戲有時淨掃石床睡山靈呵禁百神衛夢入華
胥不知反春蘭秋菊自成歲邴鄆熟黃梁士師分蕉鹿世間
醒夢幾回真誰識靈丹光如燭披圖恍對大華峰碧天六月
雲濛濛興來呼童拭風簟我倦欲訪希夷翁

焦山紀遊

諸生清興殊未已掛批直入焦山寺縱歌朝披絕頂雲洗心
夜吸丹井水萬仞石骨壓海濤千里江光敞天宇十八年
正勞誰料一擔納行李天生神物必有對金鰲浮玉自賓主
日月遞送無盡燈潮汐時寫元聲譜豪來留滯不知歸况遇
良朋開樽俎漏深欲起三詔翁燃藜洞石壽今古

題張公洞

優恩幸許返初服秋高潦清天宇肅鏗然桃竹一入手山英
水伯歸約束金焦收拾納囊中更從玉女訪張公鍾乳錯落
湧海濤恍疑身在龍王宮昔年六丁劈雷斧神移鬼運遽如

東坡先生集 卷之十二 十四
許瑤柱時撐丹竈入玉笥更向雲鐙煮鐙空竈冷仙已歸沉
澗餘滴猶沾衣列炬宛轉搜幽竇高歌慷慨洩天機馮侯鳴
琴有餘賞燕峰採藥玉陽上乘風共酌會仙亭坐令此山增
標榜桐川密邇曾有期歲晏風雪遂阻之乃知萬事皆前定
行使止尼非人爲人生塵夢幾時了朝市山林適相矯劃然
一嘯兩俱忘浩浩誰立萬物表

衢麓講舍與諸師諸生論學奉酬西巖初泉二郡侯
前年講學祥符寺茲辰復聚講舍中正派直尋濂洛蘊高樓
上與奎壁通憶從方策見嶽麓先民協力開聖學直道綿綿

還三代再喜衢麓振空谷孔顏授受有真傳天下歸仁非誇
言良知拈出性善訣手挽赤日迴虞淵由來風教屬儒吏後
典亦非豪傑士一匡九合震須臾杏壇陋巷昭百世只今家
塾創聖宗兒童彬彬俎豆風願將憤樂千年秘共取循良第
一功

簡石崖主人買山卜行窩

七十二峰主人新作亭天教同志來落成屏翳夜洗千山霧
玄冥朝開萬里晴怪石斲地出活水遶堦鳴躡履直探二洞
幽衣冠楚楚相將迎班荆細話二十年前事恍然流落塵土

歸蓬瀛邵窩十二及時定卜鄰佳諾慎莫更籠鶯載酒就約
羣公酌買山共結歲寒盟

贈仰涵山用石屋卜居韻

憶昔壯齒采芳共蘭亭仙翁分丹相陶成韶華迅瀨驚萍梗
世態浮雲幾陰晴解印幸命白駒駕伐木喜聞谷鳥鳴高山
流水勤指點天機潑潑爭逢迎四美三難孰知穹壤樂自許
絕勝雁塔登寰瀛離懷忽告歸千里對奕不覺報三更呼龍
伏虎期蟠石屋上桂棹無忘二洞盟

贈陳全甫

清秋解組澄心亭歸舟勞子送安成金焦直躡陽羨月文明
放歌富春晴江山指點地靈出道義磨切天籟鳴乾乾一脈
期不懈泰宇凝定無輸贏孔顏中天懸日月秦項殘碁幾變
更觀光舊遊如相問石屋金泉已訂行窩盟

白坡郡侯同諸生邀遊青原山

青原風景似盤谷病夫昔年曾寄足俊髦共尋前川柳耆舊
更詠淇澳竹刻章誤蒙徵書馳勛名何在鬢已絲巧宦不諳
司馬譜膏車時夢昌黎詩 聖恩許作鳶魚主况勞良牧列
商羽玄闕重架待月橋龍潭新做流觴墅明年買棹鼓春風

東坡先生文集 卷之十一 十一
不須齋酒邀道中約束舊遊續初盟千秋方策瞻文翁

南遊會講周湖遂謁梅邊王先生墓

宋嘉禮樂三百年誰遺浙水暗狼烟肉食誤國諱邊事福華
猶頌勒燕然文山仙子天下烈烈遠肺肝長弘血手提正氣
柱乾坤成仁柴市輕如蛻苦心誰識梅邊翁趙氏無肉展孤
忠猶恐伯夷食周粟祭文泚筆投江筒我從同志理舊學辦
香肅拜汝水曲英風颯颯灑飛雨似爲塵世洗齷齪當年秉
釣幾大師枯骨何在颺颺啼九京含涕應已晚生前香穢莫
自迷

玩易堂呈石屋年兄

匡廬歸來遙夜坐賓東主西相對卧鼻息如雷日已曛披衣
起占先天課乾清坤夷萬象融八戶二牖相玲瓏人間吉凶
皆瓦卜洗心携手遊鴻濛

中秋同石屋青岡石峰及諸友飲池上

三宿臨池待月坐月華不來且高卧曉起前峰雲盡掃喜呼
良朋得晴課山靈快送秋光融碧梧翠栢爭瑤瓏浩歌劇飲
相對越忍教濁霧更冥濛

簡念菴館長石蓮洞

東坡先生文集 卷之十一 十一
玉虛仙子提法座走入石蓮洞裏卧世間紅紫不動瞬夢寐
愛蓮作程課月巖一圜六合融金薤倒披玉色瓏秋清東游
招錢鏗蓉裳荷蓋娛玄濠

秋厓朱中丞燕靜觀堂水閣

方塘瀾瀾突高閣紅塵四岸無處着主人肅客靜觀堂輕裘
緩帶談油幕平生最愛愛蓮翁翛然淨解千繩縛鳶魚飛躍
自天真煩公指點孔顏樂

同劉三宰自龍華宿念菴石蓮洞

海天秋月十日坐更躡懷濂閣上卧老來已破廬生枕連榻

共商希仙課夜靜月彩懸冲融石作蓮花碧瓏瓏夢入月岳
見老仙禹疇羲畫春濠濠

三峰約登高于峰頂用小華司諫嘯巖韻

步步凌空步步穩平生桃竹費幾本萬里剛風露氣淨千崖
落日秋光燠三十年來登高約山靈灑掃興非晚何時更上
華嶽巔一枕共飽雲臺飯

壽蕭友同叔尊翁養素八十

眞陽潛回簷梅秀鱸堂趨祝椿庭壽門生續紛歌白華善養
不在祿養後山翁抱素南山南世網超然蔗境耳御筵棗栗

東坡先生文集 卷之十二 十一
會有時更與蕭門續美談

贈石亭陳子之官

文章政事無二門均勞內外皆 君恩秋風脂車入鄒魯聖
學正爾叅乾坤撫民無擾夜犬靜生財有道春泉奔功成仍
入翊 皇極手酌五福昭敷言

鳳遊堂贈許石城北上

高皇首善開天紀百世菁菁豐水芭南宮雲錦當妙年白雪
一聲走下里春風冠蓋鳳游堂萬竿影動三島紫饑食竹實
渴飲醴再使岐山光圖史

南歸偶述

高卧華胥夢正穩誰從偃師演戲本青宮方渴聖功融六館
更噓儒風烜優思忽放歸山中呼童弛擔秋未晚武功猿鶴
原有期集仙橋上青精飯

濂溪祠喜遇蔡鶴田寅長

學聖堂中月正午天公拈出無欲譜半生錯認無極面博聞
憶中皆塵土美人正遇鬱孤臺交臂宛接金陵語急須鍊就
九還丹拍手玄鶴翔天宇

重宿通天巖寫侍游先師像謝少壑山人

通天巖頭披雲遊疊疊英俊同冥搜陽明仙翁提心印揮霍
八極與神謀咲呼蔡子寫生綃元精淋漓烟霧浮二十八年
建瓴水鶴馭高駝不可留尙餘丹方懸真境金鼎石室風颼
颼恍然寘我仙翁側老筆不減顧虎頭古來千聖皆過影聚
散生死溟海漚靈光一脉亘宇宙陟降上帝君信不寫真何
如識真真脫屣緇塵娛丹邱

浴佛日勉諸同志

癸年浴佛在嶽麓戊年浴佛在青原僧衆浴佛不浴心三代
威儀空續緇吾儕齋戒共約束江漢濯之秋陽暴不須著掛

覓神智藏往知來光煜煜暮年寸陰可惜許體取師門衣鉢
語箇箇人心有仲尼自垢自浴果誰主

庚戌暮春携門人周戒之黃朝周龍起文張道甫及二

兒美善遊洪陽石乳二洞時王前川朱賓溪俞萬溪

王立齋李翠峰洪雙野同遊

洪陽洞中大古雪雪覆瑤臺光皎潔石乳洞中萬頃雲雲噓
蜃樓何氤氳是誰仙子鑿離宮神雕鬼運爭玲瓏開田真可
種白玉此杖不覺化蒼龍宇宙屈指幾雄傑葛叢二老揚鴻
烈李生恐是玄元孫呼風役雨餐水檠丈夫星斗羅胸中千

東坡先生文集 卷之十二 二十七
邱高壑吞雲夢滅鳳冥鴻自卷舒肯與鷓鴣爭樊籠我欲從
之採仙蹤丹爐冷落鸞御空明朝且訪昌黎公中天積翠浮
空濛

壽三峰柱史尊公八十

瑞氣遙護三峰紫麗眉杯泛梅花藥白華高歌賡棠棣綉衣
起舞三千履人間福壽鮮兼全美翁作述兩嬋媿津塗有梁
社有約小將周官試當年方伯天外傳鴻寶奕葉青精娛瑤
島酒酣漏深談九种虎頭寫入商山皓

輓錢屋舟

屋舟翁屋舟翁胡爲騎鯨返龍宮誰與江南醫疲癯宗會堂
中秋月朧菊花原上夜雨濛仁厚一脉喜猶融已見新杏蒸
霞紅

贈涇野宗伯北上

紅葵兮欲吐長桑兮正柔執玉手兮臨岐感往事兮綢繆松
花兮桂醕燕寅清兮少留靡修途兮孔瘁謇入告兮嘉猷嘉
猷兮夫何握玄樞兮中和廓發育兮峻極嗟慎獨兮靡它試
稽古兮克艱迺吁咈兮重華彼庭訟兮邊豆代尸祝兮孔嘉
孔嘉兮簞簞神仙隔兮風雨悵懸厓兮饑溺欲上聞兮誰與

語稽畫井兮橫渠約禮俗兮諸呂儻和衷兮從容乎陽和兮
下土下土兮透遲憶咎繇兮共陳辭鳳終鳴兮千仞鶴自棲
兮一枝置崇卑兮弗言惜聚散兮匪期耿中天兮月色尚千
里兮輝輝

遊安峰詞

嘉靖乙卯春水洲魏子聚玄潭以入復古遂約丹陵之游復
由丹陵謁萬壽宮歷至德觀至明覺精舍魯江表子以端陽
期升安峰絕頂諸生邱原高程金鉉金應龍劉之英其一驥
同游時積雨新霽極目數百里江光交映羣峰環拱俯仰六

合商畧千古彈琴歌詩日晏不能歸諸生請曰茲峰閱人久
矣旌陽新吳後惟考亭白沙增重向此境說此話宜有以對
山靈迺各賦詩而紀姓名于石

安峰兮嵯嵯望羣仙兮縹緲佳節兮蒲觴詠伐木兮谷鳥時
積雨兮初霽探靈源兮窈窕鹿走兮簷端泉飛兮厨杪羣兒
嬉兮採芒野老頽兮葺篠憇予足兮崖陰時矯首兮雲表欣
鶴馭兮可待精徃來兮皎皎

安峰兮嵯嵯眇千里兮在目百川匯兮文練羣峰簇兮駭駭
耿神功兮予懷河患猶狂兮海妖未戮祝禹稷兮饑溺斡

皇極兮不久以夙箕山隘兮牛耳汨羅激兮魚腹酌山靈兮
邛帝闔匪良朋兮誰告

安峰兮嗟嗟映龍沙兮樓櫓憶先師兮義旗掃妖氛兮江之
嶼軍賞兮尙鬱哲人兮何許彈白雪兮歌紫芝悄山鬼兮欲
語悟天機兮窈冥羗千載兮逆旅考亭兮霞裾白沙兮蘭渚
擬拄杖兮八極庶髣髴兮遺矩

重修坦陂橋題辭

橋之成兮耄倪嬉嬉春無漲沮兮冬無寒澌公私職職兮晝
夜如歸匪曰愛勞兮度與同胞逸之

橋之圯兮耄倪咨咨漲以滅頂兮寒以裂肌官程望洋兮弗
可以羽馳憶古輿梁兮曷其郵之

橋之重修兮休戚榮而去爾咨咨兮復爾嬉嬉有哲維心兮
嗜義如飴亦有弗惠兮利競刀錐編竹昭報兮坊者貽譏兒
神聽之兮影響靡移匪仁人志士兮吾誰與歸

克齋李中丞訪山房蔡荅溪繪對談圖

予謁君兮羅之麓君訪予兮東廓月華泛舟兮龍門生機旋
春兮黍谷促席論心兮匪暮以夙恂慄威儀兮帝衷是復玄
圭陋巷兮無二載轂世講勿謏兮維後之續

中丞之二子
拭材從予游

而予兒義美獲灸君之誨故末句祝之

奉和趙大洲遇董定甫湖南長歌

百年可作轅下駒圖南六月搏雲衢廓然寵辱如寒暑陋巷
立圭皆丈夫青城插天竒可數俯聽嬰兒吐雷雨一麾直過
南海南鼓櫓三湘行弔古赤壁賦就禡長公掠舟玄鶴偶相
逢歸帆應夢春陵老光風已翠庭前草

七言絕句

勉山房同志六首

宮闕崔嵬倚泰山競從雲外望仙關誰知一語留丹訣舜躋

分明善利間

衝牙玉瑀響琤琤觸目珍竒事可驚慎莫羨渠商賈富自家
荒產尙堪耕

冒雨辛勤植衆芳春來雲錦自鋪張可憐西家嬌兒女競剪
香羅鬪曉妝

寒卧荒郊正可哀乘春牖戶向陽開殷勤塗墍無空隙風雨
從教動地來

萬里迢迢上帝京爲君指點戒前旌丁寧驛路驅車馬莫憚
風霜滯旅程

九室明堂集眾材
棟楹枅桷若為裁
憑君尋個天然矩
自有方圓不用猜

感懷二首

蹉跎聖道墻千仞
感慨春光水一灘
三十年來如夢裏
啟明初見五更寒

啟明初見五更寒
萬籟無聲天地寬
莫道塵魔昏白日
黑甜一枕夜漫漫

通天巖謝陽明先生二首

小試深巖翫化機
秋風出芋自堪肥
仙翁猶訝飛昇晚
更聘

青精入翠微

習靜已空交戰機
自將陶冶定癯肥
濂溪留得光風在
直待三生勸翠微

答王朝美

履薄臨深可幾人
紛紛爭染大車塵
而今分得天瓢水
好洗雙親自在身

題劉士望小樓

斗樓側構瞰方池
桃李如屏對曉曦
醜酒高歌閒俯仰
不知明月上書帷

贈洪友商範晦範讓則西歸三首

長沙歸駕正駸駸尊酒山中話夕陰乾乾終日天行健會取
義文萬古心

去年曾叩葛仙門絕頂誅茅待曉暎聞說祝融高萬丈欲從
餘月玩乾坤

漕溪一派源流好幾見波瀾照眼明西去秋涼方入坐細將
詩禮續家聲

水洲師泉及諸友宿天池次陽明先師韻三首

哲人不作斯文主博聞憶中爭襲取天池共掬第一泉欲步

蓮峰灑花雨

晴川欲管文殊臺嶽色江聲萬古開乾坤俯仰一陳跡聽取
何人策杖來

良朋連床十日宿芒屨尋幽遍山麓上霄絕峻猶在望更從
峻處結茆屋

贈渭川東希節二首

秋風江上棹歸舟萬里晴川話舊游吾道有家人未識煩君
擊楫誓中流

渭川千頃清無際不染涇流一點黃君去試尋天上派源頭

東坡先生文集 卷之十一 二十六
澄澈自汪洋

酌朱守忠荷池上二首

新荷方沼疊深清對酒高談欲二更
竹上流泉隨意曲相招
初得濯塵纓

高榻何當下腐儒半庭殘月話風雲
西樓正擊秋鍾曉喚得
膏騰夢欲蘓

過劉生原理觀陽明先生扁

新茨世業榜初成淺種深耕舊有聲
止說年來稂莠長荷鋤
及早藝香粳

歸自武功至瀑水岨

行雲時濕五銖衣拄杖遙穿鳥道微
兒童驚問芒鞋破爲說
曉從天上歸

過龍雲寺二首

採藥東歸日未曛萬山遙疊海波紋
回首香爐開面目依依
相送入龍雲

翠竹交加萬玉竿遙聞鍾磬出林端
好山正在仙公路時埋
殘碁一徃還

展先大夫孺人像

東坡先生詩集 卷之十一 二十七
徘徊遺貌獨愴神幾度春風草自新罔極恩深何以報從今
敢負百年身

邀子儒秋官

隣人許過葛巾酒稚子能歌頰弁詩世事看來無定局不妨
乘月更談棋

草萍驛

萬山削玉倚春晴路指錢塘第一程失咲憧憧南北客真成
池草漾青萍

出京

文華鶴篆薰衣袖石室瓊編費廩厨自笑一絲無補報匆匆
隔歲出皇都

晚睡懷內重諸友

角巾睡起倚孤蓬渺渺平原落日紅笑憶石峰童冠約小臺
策杖聽松風
自笑驅馳兩載忙羨君穩卧北窗涼不知攜去浮峰石新種
菖蒲幾許長

寄題北華山呈德夫諸友

玉箱幾歲墮雲中秋服乘晴步曉風欲拾站田星斗起緘題

東坡先生文集 卷之十一 二十六
更與納天工

小菴斜結占雲峰野老時來問吉凶爲說槿花秋未穩還看
翠栢舞寒風

甘菊叢芳卷壽秦司徒鳳山

野淨霜清散遠芳靈根正倚惠山陽落英冷浸漪瀾水沾得
遊人壽共長

謁德惠祠中祠楊文靖魏文靖二公二首

吾道南來一脉真未將赤子異斯民至今古栢荒祠下猶帶
當年雨露春

兩袖春風歸故廬猶支病骨澹湘湖禾黍離離秋萬頃逢人
爭說魏尚書

題夏公謹司諫雪中兔鵲

萬里同雲路欲迷朔風捲雪漸離披莫思野兔營三窟且共
山禽借一枝

送本固宗兄兼寄邑中諸友二首

桐川風雨復連床傳得千金却老方歸去金牛尋舊鼎相期
歲晏茹玄霜

瀧岡書院奠椒漿千載清風到首陽爲謝同游諸俊彥莫將

東坡先生文集 卷之二十一 二十九
四牡稅周行

春游瀧岡夏升匡廬秋上虔州尋鬱孤通天舊遊遂下
萬安聚先天閣泰和聚古城寺入冬聚資福寺歷永新
聚希夷宮廬陵聚聖化觀除夕口占寄義兒京師二首

除夕閒籌一歲功東西南北任天風平生習氣皆儼鬼付與
紅爐爆竹中
而翁不向南雍回儒教勛名近上台何似橫飛周八極直疑
天意有安排

用韻寄周順之二首

錢塘授子黃梁枕熊咆鵬升幾夢魔勘破天機原瞞瞞盡將
聲臭付無何

靈液秋歸翠栢根悟來中夜自存存臨池失咲芙蓉露顆顆
明珠向外翻

用韻致晴川

廬阜掃雲誦古調澄江滴露點新文學祠桑葉應黃落看到
梅花又九分

用韻致斛山

千金學得升天訣便把天堂視桁楊青紫授書還一笑直從

龍馬會羲皇

題石雲寺付本傳上人二首

童年古剎篝書燈白首黃梁夢破曾騰踏飛黃成底用相輪
湏上最高層

弛擔歸來百慮休比閩水早尙牽憂松谿留得藍田約時對
山僧指釣游

答康西舍翁簡諸同游二首

辭官養母自西川廿載瞿瞿衾褥邊天公有意憐慈孝九十
春光又五年

採藥年來堯稚川丹砂不在九真邊澄江童冠分明月時詠
清光了暮年

寄永新希夷觀同游二首

希夷十日步虛聲時向城頭看月生童子放歌仙調永亂離
掃盡到清平

華山幽夢幾回醒大宰春臺又絮羹認取一陽真種子莫談
火候煮空鑪

舟中誕日自微示諸友二首

知非知化寫真詮默坐蓬窻倍惘然憤排全歸塗尙遠不知

耳順是明年

矮篷展卷剔殘燈
壽筆遙看歧友朋
寄語報親真樣子
曾門畫出在淵水

同晴川諸君別鎮山秋卿北上二首

先天閣上三秋約
待月橋頭萬里行
杲日一輪當馬首
莫將纖臂點真明

禹顏舊志尚嚶嚶
珍重羣龍翊聖朝
添得雲津新釣伴
時從擊壤和簫韶

龍田邑侯約觀龍舟升謁一峰書院

笑泛蒲觴歌楚騷
龍舟競擢鼓聲囂
一峰祠下談真訣
白日青天是錦標

過文江西石王邑侯留談江干二首

龍華會上吹葭律
復古堂中靚雪鳧
江上偶逢還共詠
人生何處不風雲

共擬班生上帝京
還留宓子為蒼生
千年聖脉誰當領
飽聽玄潭鼓瑟聲

學道堂簡張龍田

退食新開學道堂
靈樞早握活人方
請看春色舒紅紫
盡在

虞淵一脉陽

洗心卷二首

洗心何在在雲津川泳天飛不受塵退省卷端光世業難兄
難弟大家春

天恩頻至鍛元城代獄先行鐵更錚聖學一脉傳賴水良心
無欲自生生

晴川年兄北歸予訪之雲津之上遂入梅陂以聚青原其
弟長吾出示洗心卷海內各流泐泐盈帙卽其代獄先行
此心可對神明矣江漢以濯秋陽以暴夙夜自省尚光于

師訓

贈東廬林郡丞兼訊見峰九岡四首

于旌向夕駐文明一脉中和辨教精神取薰風祛酷暑于秋
菉竹聽微聲

抑戒分明是聖關工夫無處可投閑好從瑟僖栽根本勁節
豐葩自在看

學道年來唾土苴諸君何意覓熊魚宜春傳得潮陽譜咲與
昌黎一破除

絃歌一邑道猶光拊掌和衷理郡章從此功名登鼎席推溝

東坡先生集
卷之二十一
三十三
一念祝英墻

青原山中謝少汾洗秋卿兼申羅浮之約二首

茂對堂傳雙鯉魚交游展玩見璠璣江門口訣掀千古獨對
青山不著書

待月橋邊付去鴻海雲何處覓高蹤期君在過鐵橋上點檢
扶桑四百峰

別一菴唐秋卿

連床憶別天真閣命駕欣逢待月橋一點靈光無聚散歲寒
何處話漁樵

睡起呈晴川師泉諸君

不睹不聞真性體幾回忖量賈匆匆大虛樣子原無隱可向
虛中掛一毛

宿禪房示僧方惠

碧雲深處卧清幽一念憂勤未敢休山僧咲問翁何事指與
龍潭晝夜流

次石屋諸君登山韻

老伴尋幽共學慵興來亦上最高峰蓬壺可道仙凡隔只在
鏗然六尺筇

東坡先生集 卷之二十一 三十四
歸至石屋飲荷露二首

千金難博金莖露誰識荷盤露更溥活火熟烹斟大白冲和不議九還丹

雙童池上供仙釀荷玉高繁露藥溥記得青原連榻約靈光不染卽金丹

夜訪郡公翰林門第懷應占年兄

不踏高閣十五年庭燎五馬尙熒然一場春夢同僂耳誰結流芳種竹緣

九月望日石屋山觀月二首

翠栢高梧映夕霞臨池滄茗讀南華常儀剝補中秋約疑宿玉皇散吏家

兩洞重陽約已酬月華萬里賽中秋矮簷趺坐商真訣一點靈光無媿不

石屋山謝送酒諸媼友二首

盤殮日日酣流霞坐行栢桐上月華山中寥落無相報分與清光送到家

病翁懶卧無奇字佳客翩然載酒過漏洩先天應一咲只從兩字認中和

聞新命有感

出山未為博微官常憶高談到禹顏
饑溺悠悠成底濟又勞薦剡列宮端

魯岡瑤湖華屋諸君聚天寧遂升龍沙

仙侶相招燕絳霞冷冷風馭踏龍沙
天機為露真頭面萬頃湖光印月華

淵化讓甫景仁懋獻諸生月下用韻懷石屋翁

呼月臨湖小勸酬平鋪萬頃廣寒秋
遙憶石翁娛洞口靈光猶似隔年不

過東湖泊鄔子驛夜談舟尾

千里孤蓬訪道真湖光月色共傳神
月巘圈子人人是却悔從前不貼身

次明水樓雨聞鷓

未了名山鬢已秋晴寒猶上愛山樓
雄鳴誰是金烏伴叫出千峰烟際浮

靖通菴前翫新月示同游

萬竹依依護靖通一鉤新月映行蹤
羣游悟取貞明訣希聖希仙此竅中

東坡先生集 卷之十二 三十一
兩夜聞緒山龍溪二君至志喜

翩然遺鐸續蘭亭信報青鸞夜不扃
帶得老仙瓢內滴喚回二十四巖青

別龍溪兄歸越二首

歸駕侵星出上清賀湖梅嶺不勝情人人自有歸家路
蒹店依依未問程
賀湖梅嶺擅千春歸夢駸駸亦動神
記取師門文命脉絕無聲臭是天眞

自上清過金谿與介山林尹話舊二絕

乘月相尋步虎邱十年誰遣象山游
解囊時理荆門譜便是琴堂第一流

老愛仙山出薜蘿故人相見已無多
篝燈頻問南洲叟對酒掀髯幾嘯歌

翠雲寺觀象山先生遺蹟

翠雲題壁見青田正是淳熙已酉年
會取川增爲善意千秋覲面領眞傳

勉豐城舊游諸友

龍光曾訂聖門傳又歷青田理舊緣
分得只今眞偽訣莫從

東坡先生文集 卷之十二 三十七
鵲突誤殘年

迎春睡起簡羅闈齋使君二首

春歸自嘆雪盈簪強起披衣訊好音
盡道今年春色好光風吹散四郊霧

帶得光風自八閩愛人一脉是天眞
平生最愛春和詔傳取虞周萬古神

同諸生及余汝德慈化夜坐

千峰朗月印池塘對月高談選佛場
物外超然誰會得莫將蚊睫認康莊

遊天龍巖

荆棘門開聽梵鍾是誰驅石護玄宮
亂雲滿地無人掃付與高僧一鉢中

天龍巖歸重坐慈化池上玩月

幽躡龍巖悟舊迷踏歌池上擁髭倪
化工莫訝無衣鉢一道蟾光射甃溪

春臺別胡重齋胡桐溪俞萬溪洪雙野及宜春分宜萍

鄉萬載諸友二首

白髮尋春未嘆遲箇中春意主翁知
記取師門三字訣前川

東坡先生集 卷之十一 三十一
風月不須疑

前川風月不須疑
塵土埋頭幾自知
水薄淵深千載業
莫教笑殺伐檀詩

周司諫順之遣從弟戒之來壽晴川子同戒之以往別

于青原二首

咲領青鸞到壽筵
春光萬里啟瑤編
金聲玉振誰家譜
持贈薰風和舜絃

玄闕躡屣送晴川
興入山陰雪後船
何時石屋連床約
更似錢塘授枕年

青原謝致昭漢冬官壽言

刊落鶯花卧碧雲
南飛一曲信州聞
復初火候無新樣
瑟僂眞機古洞文

贈晴川年兄兼訊順之司諫二首

歲歲名山擊壤歌
芒屨何意出烟蘿
欲彰聖主容狂態
直泛長江萬里波

鷗波浩蕩似乘槎
勉志堂高拜九華
先師留得千峰月
淮約都峰共作家

自玄潭歸得春臺諸友會報

惜陰方散尋真館佳報仍從原道祠拍手東山文塔上月華
千里正離離

月華千里正離離坐對炎威不受欺誰能無愧昌黎老百尺
竿頭更進之

俞萬溪洪雙野携諸生謝性之其孝思易惟新宿復古
誰從盛暑扣文明原道相期振鐸聲緩帶納涼橋上立浴沂
千載寄餘清

避暑環依翠栢傍夕來雷雨送新涼不知炎熇歸何處學取
神功變化方

秋初聚瓦棺寺簡兩洲尚書及平湖大廓諸君三首

古刹猶存沙際幽名流一笑聚清秋試問尚書圓覺旨未來
過去幾裴休

老樹陰陰覆院墻羣英授粲淨匡牀晚來露坐無餘事共納
南窓片月涼

村農欣報四郊秋一脈師傳尙未收促席細研蘆蓑病敢將
蕘稗自優游

贈龍田張侯膺召北上四首

少峰義氣映恩江一見希夷話北窓共咲齊梁無樂譜愛牛

一闕是真腔

良知炯炯照蒼旻浮氣籠心總屬塵
試向一峰探正脉青天白日倍精神

涼颼一掃暑威微遙望仙軺翊袞衣
堯舜君民天廣大只從學道發真機

歲寒連榻卧江臯一釣何堪獲二鰲
寄語同袍西石子至明至善不容毛

秋入祖祠行約勉諸弟諸姪時洪如之四友同會四首
清秋時舉先祠禮入久同研作聖方莫厭墳麓聲冷淡會看

燕谷轉春陽

萬物由來同痛癢矧從一本發羣支
鄉約更須家約始共尋直道達黃羲

新安嘉客帶虹光聯榻書樓話紫陽
拈出濂溪無欲派莫從斷港沂天潢

醉中展舞芻紅腥嗜酒空憐謾罵靈
炯炯良知誰自致却教人笑是猩猩

朱康民諸友聚朱村山菴

卜度空煩萬卷書離朱未許得玄珠
憑誰直透神明脉齋戒

東原先生文集 卷之十二 四十一
新功兩字符

同志約會丹湖諸鄉老攜子姪咸集室隘不能容旋結
棚爲講所溪山廓然入几席遂成一段奇事簡諸鄉老
同遊四首

十年三赴丹湖會快見耄倪集講堂千古秉燹皆帝則六言
聖訓卽陶唐

新棚旋構聚羣豪四顧雲山疊海濤父老爭談徭稅好儘堪
詩禮課兒曹

藩間汶上竟誰尊瓦缶寧知夏后敦撞破半生鸚鵡夢離羣

無負石湖樽

棚閣弘開興更奇平生嘉會未逢之從今光復乾坤舊蚊睫
蝸端不受欺

贈武陽王邑博之蒲二首

青原幾卧碧雲房勘破塵寰壘斷塲不用著莪求別訣直從
天則出圓方

改齋風力到羲皇奕葉猶增大宰光憑語蘓湖遺韻在坐看
古道振蒲陽

聚講洪南草堂寄裘魯江張材菴王瑤湖諸同志

草堂開匣理瑤琴海岸登舟共賞音
權發龍沙無剩語淨明兩字是金針

沱村史使君芝山驛論學欲行鄉約二首

秉燭郵亭話夜闌皇華五善濟時艱
松谿傳得藍田學直望斯民三代間

簿書堆裏訂虫魚大體誰當一破除
聖學相傳無捷徑千秋敬義在丹書

過大洋埠霽得酒夕酌勉諸生及二兒

小駐村沽問牧童碧山遙映夕陽紅
高歌蘿石鑪峰詠好向

尊前覓主翁

宿獅子巖望月

獅子巖頭活水窪竹籬犬吠半漁家
天公莫負通宵望淨掃癡雲露月華

景德鎮小酌船頭

清波賒得月華流貫酒船頭歌未休
桂棹洞簫疑赤壁不知鴻跡寄饒州

昌江渡月明

窈鑿尙含烟火氣獅頭未脫黠雲癡
化工爲慰連霄望萬里

清光映碧瀾

小舟晨起

矮篷僂人似陶居長跼從容盥漱餘却憶玄真圖畫裏呼兒
傳酒更攤書

陽府寺見雲谷題壁

倚崖俯壑架禪空曲徑危橋路漸通雲谷題詩雙鳥遠匡廬
縹緲曉雲中

石峽灘下衝霧易小舟

披圖曾見畫蓮舟衝霧真成雲外遊混沌未分天一色不知

何處是牽牛

過汪希文範山書屋

握手洞元晚色蒼懽然少酌範山堂聖狂路口無多子只向
天君認主張

碧霄南丹崖甚奇諸友名曰廓巖

神斧何年劈巨靈丹崖萬仞倚青冥紛紛車馬無人到留與
山翁寄姓名

晚遊望傳巖

榔梅共撥鬪爐紅啜茗班荆落照中盛會恍然成一咲十年

東坡先生文集 卷之十二 四十四
夢對傅巖峰

建初寺同師泉及諸友及二兒拜長至

五鼓嵩呼山寺燈藍溪白嶽瑞光騰微臣興出華封上更祝
陽光日日升

題陳生孝甫人峰卷

頂天踏地自鴻濛不落人間寵辱籠領取湯生臨別訣莫教
想像畫圖中

雪夜與諸友聚談大雲寺

月華正對雪華清何處風光覓化城齋戒神明相對越索居

莫改擁爐情

迎和門別休寧諸友

東城執別意如何殘雪將消尙未和珍重真陽回地底坐看
紅紫入春多

雙溪鄭憲伯湛塘王侍御讓溪游司諫及諸友聚講南

山

半空紫極鎮巖蹊對雪圍爐細品題可向鷺湖添話柄小成
虛遠破羣迷

斗山聚講勉同游諸友

新安自昔文昌藪歲晏初分斗柄光莫道微陽總一線春回萬象自蒼蒼

夜看斗柄中天起皓月剛垂皜皜幾萬象異同皆影響自家始復究危微

績溪公館別新安諸友

旅館圍爐混市塵梓橦月透雪窗新莫向鴻泥分聚散千秋覲面是何人

三溪衝雪而行

長途雪片撲征裘小飲寧為野店留試將武事相評許決策

還堪入蔡州

仰賢公館讀坦洞彭中丞碑

夜投公館雪漫漫秉燭穹碑似夢看猶有中丞遺澤在遊人時借一枝安

飲青山對雪懷雙江中丞

青山四眺化瑤邱對酒猶驚凍玉樓却憶凌空仙侶遠朔風萬里掃瓊裘

宿吳生從本家題竹山春窩

翠筍三面擁春窩雪壓殘稍春若何傳取心齋尋樂訣須從

戒懼識中和

宿蒲山養齋示乃孫與賢與立

曉躡層樓極萬秀
曠談屋漏課雙童
莫將境界分同異
記取齋明是聖功

寄王大忠方汝修時寓青陽妙立寺四首

紫極宮中積雪收
可堪二妙別綢繆
歸去應知餘興在
夢中猶作碧霄遊

斗山擬探紫陽梅
何事巖端及早回
隔歲青原仙侶集
不知雙鳥可能來

曾向東山破兩關
關頭主宰許誰班
丁寧留得棲真月
時理鸞笙共往還

酒變淵明尚打乖
六經註盡亦安排
要識聖門真脉絡
豈刊博識覓心齋

化城謁陽明先師祠霽遂遊瑞光

瑞光樓對五釵松
宿霧初開日正中
可是師門憐絕學
皦然拈出致知功

順之周司諫趨別池口李古原及真卿仁卿胡士選柯

元進汝邦汝家丁
惟寅諸友夜話舟中二首

清溪雪夜駕歸舟別緒繾綣夜未休萬象森然皆度內一毛
不掛是真修

一毛不掛是真修戒懼寧容頃刻休不信化機原浩浩大江
日夜自東流

阻風池口晚晴登岸望九華

渺渺平原送落霞南風吹浪滯汀沙江神不是淹歸興留待
晴光玩九華

新開溝順風直至馬當

馮夷許借片帆風安慶東流瞬息中悟破萬緣非智力祇應

順受是全功

黃石磯談 陽明先師遺事有感用韻

曾從義旅掃腥風虎鬪龍爭一夢中漁牧晏然江渚唱寢門
誰念濟川功

夜酌馬當

突兀清峰萬騎屯天將龍馬控江津已聞滕閣傳神蹟更祝
河圖啟道真

過小姑山

誰貌名山作小姑龍門一柱望中無山神冷咲千年上屈指

簪纓幾丈夫

湖中乘風翫月

湖中萬點漾金波
謀酒吹簫發權歌
風露滿衣忘就寢
恍疑清夢到銀河

月舟望鞋山

馮虛羽化月宮遊
蒼玉銀盤莫上流
可是赤松遺隻履
千秋雲外待留侯

贈朱以相朱伯器

歲寒登覽三千里
仙侶相將學玉簫
歸去神光凝屋漏
莫從

燈火鬧元宵

省城迎春有感四首

龍沙歸棹領春風
簫鼓懽迎嗣歲豐
擊楫江流還獨慨
淨明幾許奏膚功

稽首東皇頻北望
春光先到大明宮
莫將烽火勞宵旰
天保高歌化日中

歲寒日日望春來
春到遊人尙未回
爲借長風三日便
文明

桃杏正堪培

石屋洞中春若何
梅花源上花應多
師泉已約乘春興
共醉

東坡先生文集
卷之十一
四十九
蓮坪碧玉蠶音羅

峽江登陸黃閭川陳華山蔡葉山三邑博留飲二首

玉峽灘頭泊晚舟歲寒假道爲歸謀廣文聚酌明倫上咲聽
驪歌半日留

傾蓋何如白首新百年交誼幾逢真高歌杖杜羅鷄黍別是
梅花一樣春

▲乘夜趨武功

六月登山癡若何天風午夜灑藤蘿暑中亦有清涼景自是
塵緣戀睡魔

無塵樓翫月

降腰吐月對仙樓盛暑翛然似杪秋踏到春陵無欲界不妨
光霽萬年留

呈平川郭郡侯

炎蒸勇締武功盟翫月危樓灑氣清記得雲津公案否洗心
步步對神明

候張友景仁病

胸中塵垢正須清莫恠山中病却生猛着一鞭毛骨換直將
睛瞞了貞明

方竹杖託平川寄晴川年兄

鐵漢由來不用扶
岩頭方竹寄仙臆
直從涼水尋明道
共了師門舊步趨

集雲黃精簡朝周復古諸友

採得黃精敵紫芝
呼童帶雨慰相知
九蒸勒理爐頭火
莫遣羊羹更雜之

携三兒及二孫德源德濟避暑武功

三代冠裳大極宮
蕭蕭盛暑領薰風
真機喜悟牛山木
不落桓家稽古中

不落桓家稽古中
紛紛壘斷自爭雄
年來會得全歸脉
管慨無忘奕葉功

雷巖籌方竹杖致石峰三峰諸君二首

靈巖竒等斲晴雲
蔗境遙將跨鶴羣
屋漏纖塵如未淨
葛家老子已先聞

方竹年來尙未斑
也同桃竹濟危艱
雲端持贈桑榆景
早了平生未了山

舟中夢聚青原有梅花檐上善根深之句寤而足之呈

梅原先生

半雲菴裏一陽臨洗刷包謾見帝心別緒依依形夢寐梅花
擔上善根深

九日同諸友升東山支塔二首

陽光萬里露秋旻杯酒循循踏相輪誰道腳跟行不得蓬萊
拄杖更何人

東山千仞躡浮屠俯瞰雲山擁畫圖可是禪宗垂象教頂天
立地覓真吾

登高擬拂大車塵共嘆從前志未真真志竟教何日起天機
皜皜正傳神

九峰紀夢呈復齋劉郡侯諸君

忠愍英風萬古談先公振鐸繼三菴天教世錫湯村類佳夢
翩翩作指南

會安石屋公于行祠夜宿虛舟呈周環溪劉石峰諸君

二首

卧雲仙叟步瑤邱俎豆行祠儼舊遊萬古去來皆過客乾坤
原只是虛舟

瀟瀟夜雨灑虛舟聚散真成碧海漚猶憶船頭迎皓月倚梧
擊壤睨千秋

晴川平川自齋石竹格齋前川鑿齋諸君聚海智寺南
野少宰議作江樓

海智從容十日留朔風捲雨聚各流晚年嘉會知能幾早築
江門百尺樓

贈江惟濟窻友歸豐城二首

金陵視席自兒童五十年間似轉蓬欲舞班衣無覓處篝燈
相對夜忡忡
篝燈相對夜忡忡一念淵水忍自慵別后時看歐冶劍精光
還射斗牛中

青原壽胡子七十二首

紫極宮中靜息機不知春色古來希壽筵好酌雙溪水脫落
凡塵對少微

少微遙對兩相輝老脚猶堪踏翠微透取青原真壽脉潛魚
川詠鳥雲飛

贈吳星士次舊韻二首

悟破榮枯盡屬天胸中無物正悠然相逢更莫談箕斗已近
昌黎路幾千

明善堂前風日幽虛慚廩祿歲三邁等閒只做歸田夢晨起

東坡先生集卷之二十一
五十三
青山自飯牛

歲除飲呂涇野客舍

空齋歲晚酌清杯
送年光又一回
欲識乾坤真意味
小餅分插一枝梅

贈吳子白歸臨川二首

薰風千里卸歸航
始覺浮華一夢忙
試上鵬翮樓上望
岫雲倦鳥似柴桑

嘉會相期跡未疎
曾從陳子問前途
瓣香擬拜康齋月
更陟青田覓草廬

題劉靜夫畫菜

平生不厭藜羹淡
半畝霜畦傍故山
長白寺中人似玉
肯將踪跡到墻間

贈秣陵毛翁銓

交游兩世見高懷
說與仙方更莫猜
子孝父慈春意益
人間咫尺是蓬萊

西疇爲周順之乃翁賦二首

一笑迷途漸欲醒
巾車千載效淵明
手鋤稂莠秀滋香
稻更遣兒曹次第耕

粒食人人望有秋誰能竭力向西疇古人傳得芸苗訣忘助
紛紛莫浪求

簡劉應占二首

經界將行萬姓懽煩君披篋出金丹眼前綺席笙歌滿不信
茅簷徹骨寒
秘訣傳君君自懽分明寡慾是仙丹請看春氣方細縕萬紫
千紅破曉寒

答彭子紹

冰薄淵深敢自寬聖門留樣與人看只從跬步成千里迥後

將前總屬難

次松谿使君二首

梧桐今雨看棲鳳燈火昔年願卜鄰咫尺蒲觴難獻醉海濱
空自嘆黍辰

南海東甌日月同青鞵到處是方蓬莫將鄉思催風雨且解
囊琴送遠鴻

再用前韻二首

聽訟莫勞醫國手武城千載接芳隣憑君掬取金華水淨洗
塵埃到浹辰

馬稷相將陋巷同吾心誰許似飛蓬日昃自應忘寢食判將
邱壑付冥鴻

讀忠誠錄有感二首

楚些千章動郢城 君王優詔卹忠誠安昌有鬼應含涕也
愛當年折檻名

天公殃慶本無偏卹典洋洋二十年窺察小兒今解事辛勤
薄俸勒遺編

簡同志助構行窩二首

尋樂窩中樂未涯芒屨初得踏梅華乘春共詠前川柳跳出

塵坑望海槎

憶從東海拜仙涯濩落烟汀幾歲華同來海岸成新筏高步
長空貫月槎

彭劉諸生及善兒宿龍雲二首

門生兒子共藍輿陶老行休計未疎拊掌龍雲松檜舊高談
一枕卽吾廬

禪榻重溫廿載寒殘枰猶倚石闌干不知萬玉歸何處試向
陂龍一笑看

渡南坪

南坪橋水隔仙凡淨濯塵根不用芟松影藕花猶剩語直從
太極啟雲函

登雷巘過雲

二十四年一夢中扶衰又得謁仙峰仙翁未許塵緣了猶斬
雷巘鶴背風

赴梅陂約謁府賑糶遇夜月

梅陂幾載約羣英強為貧民謁府行惟有天公無揀擇殷勤
相贈一輪明

古城寺

古鏡堂中夜浴身身塵浴盡見天真不知弄月吟風趣何似
臨深履薄人

用韻紀荒三首

萬家寒餓即吾身怵惕誰如入井真却嘆漢庭踈禁網發倉
矯節是何人

胡僧解識狀元身渡蟻猶能感帝真誰勸綺筵歌舞夕少分
餘瀝活貧人

年荒誰肯坐亡身昏夜求生念最真試訊心田荒已久眼中
幾見養苗人

東坡先生集 卷之十一 五十七
懷東塘總制次鐘石少宰韻三首

憂國忘家髮欲皤先聲早已壓交河好將時雨清炎瘴不羨樓船靜海波

唾手封侯破鬼關忍將烈焰到崑山一匡事業公知否輸與兒童羨閔顏

萬口神明在楚邦手摩銅柱壓竒龐北門鎖鑰須公等更與天驕築受降

題仙翁觀漁二首

習靜空山鬢已絲春來何事到魚磯自家不解簪簪技笑指

吳儂滿載歸

得意漁郎入酒壚酒酣袒裼鬪臬盧老來戒飲無筋力卧看樵漁答問圖

贈薛生圖南

寶匣瑤琴欲共彈義方今日向誰看一門慈孝春無恙便是仙家卻老丹

西津爲趙金吾子鳳題

舊識金吾府第開御堤玄武水泐洄詩壇莫訝清神骨原是
天潢分派來

白雲爲鷲峰講舍僧題二首

簷前古栢遭藤縛盆內新荷瀕水澆輸却白雲無罣礙自舒
自卷度青霄

舒卷時時在大空禪機猶落見聞宗誰能貌取先天象萬里
無雲月正中

己亥孟冬河西務避風安千兵家二首

登陸由來亦阻風驚沙飛舞失晴空天公欲使知民隱直向
虞廷達舜聰

射目風沙路不通安居正指在途東避人冠蓋今成俗誰料

陶家剪髮風

端陽阻水荆門有懷涇野宗伯二首

鴻飛涇上雲千頃鷓滯荆門月一規夢裡相思還說夢長桑
沃沃對叢葵

諸孫解勸端陽酒良友誰膺慧智詩西望榛苓雲霧鬪千年
獨樂是還非

浮玉途中遇雨感懷二首

望鄉又踏玉山磯風雨搖搖草樹迷三十四年角枕夢傷心
同出不同歸

東坡先生文集 卷之十一 五十九
輕拋篋笠下漁磯細雨長途望欲迷鷗鳥有知應冷語爲誰
出去爲誰歸

和斗峰江先生韻四首兼寄午坡

南歸病羽及秋鴻敢謂隆中躡舊蹤遙羨斗峰風骨健丹書
一卷月明中

三十年來踏雪鴻搖搖南北愧行蹤夜深頻向天樞望夢繞
虞廷吁咈中

解印峰頭身已輕天教萊綵正娛情無因爛醉高堂上惆悵
清波映啟明

金鼎蟠丹夢亦輕區區寵辱更何情冢山祠宇翁常往共掃
浮雲杲日明

同涵山遊西里宿劉生德茂兄弟家二首

已從石屋振塵衣又上羊江覓釣磯西泛東遊無罣礙
君王恩賜早旋歸

歸山正是看山期邱壑西來亦獻奇三宿北窗猶未去夜深
共詠考槃詩

沐髮流坑勉董氏諸友

頭垢呼童一理之誰拈心垢向人醫流坑派合雙江水正是

羣英洗垢時

贈樂安吳廷傑廷綱二難

信宿連舟上華峰堂升尙古話從容廓然共發程門蘊笑問
仙翁隔幾重

贈龍生起文乃翁石嵯

遊跡飄然踏雪鴻乘風問訊石嵯翁領取養生無上乘不將
聲臭撓真空

觀龍生起文家舉鄉約

一咲藍田舉石塘 高皇木鐸煥雲章承家報國期無忝積

慶傳來有義方

蕭同叔携余生希顏希周來會

天龍樓上剖真機春到郊原草木肥絳帳顏周同入室一肩
挑盡月華歸

同諸生及龍生序人文田文汝純汝立汝器觀厚槎

道旁竒石遂訂石洞別署二首

鳳山西上石峻嶒珍重羣英下馬登憑語山翁開別署異時
石屋看飛騰

雲根錯落似雲端石屋依依伯仲間相逢一咲勤收拾忍作

身厚錄先生文集 卷之十二 六十一
尋常亂石看

別劉子才歸梅陂

野航到處是通津乘興文明咏暮春
寄語梅陂陂上月鳶鷺
何日即天真

存耕堂爲陽生節之題

青衿夜憇存耕堂翠栢陰涵燭燄光
談入玄機眞影響靈光
一點萬年莊

遊慈化同諸生及謝性之劉子榮子孚彭國輔國矩阮
祖徵宿陽節之庄

兩洞晴光開秘府九龍雨氣滯禪閣
由來行止難前定且共
山房一夕間

宜春臺步陽明先師三韻

高臺俯瞰萬家春帶雨穿雲更可人
四顧峰巒如海浪中流
屹立自嶙峋

原道閣如南浦閣宜陽千載肅蒸嘗
起衰濟溺奎光在不用
榮名拜二王

優詔歸來又十年愛山不用買山錢
興來欲啖安期棗笑問
山神借鋤船右仰山祠

次復古諸友憂荒韻呈當道諸君子二首

中澤潢池慘真禁飢寒切骨斷恒心
潦春旱夏蟪秋起幾為蒼生涕拂襟

幾為蒼生涕拂襟誠微安望榦天心
稽首文明祝禹稷仁風超度聞風岑

別江懋桓諸友

人倫庶物聖凡同只在昏明兩字中
博約千年無定的誰從卓爾奏成功

梅渡望鵞湖書院有感

濺濺梅渡上征衣仰止鵞湖聳翠微
千古兩翁寧角勝要分太極有無幾

微顯真機若捕風剪髮聚訟又成翁
四時百物誰分付請探玄天一默中

步入雲峰觀偕同志談巖下

擢歌九曲未能休直躋靈峰最上游
趺坐寒巖研道脉超然聲臭是真修

連山書屋温鄉約簡諸生二首

萬物誰能備一身直從講學識天真
藍田會得程門脉散作

東坡先生文集 卷之十一 六十三
鄉隣次第春

高皇六訓紹成周，賴有松谿惠愛留。
縱使年來蛟浪湧，一堤還擬障狂流。

復古遇雨簡未至諸友

借陰嘉會及春開，風雨無端滯壯懷。
聞說當年羣彥勇，芒屨踏雪夜深來。

七言律詩

和周南仲

鬱孤臺上濂溪學，兩度春風共坐之。
儘把毀譽供一笑，從來饑飽更誰知。
言如鸚鵡猶爲鳥，道在盤盂舉是師。
回首文江天咫尺，片帆何日詬幽思。

用艮山叔韻呈蓮坪念菴諸君子

冲玄勘破甕中天，笑庖牛尚有全星彩。
羣占南極上春光，剛對杏花前賓來。
鶴馭雲三素，醉岸綸巾雪一巔。
願語諸生歌棧樸，文明歲歲祝堯年。

登東山書院汪希文應夫繹夫欽夫程原靜謝實卿同

游汪望竹送酒

東山初試登山屐呼酒高談出上方萬戶連雲開錦軸千峰
閣雨俯霞觴餓夫誰識輕千騎童子猶堪笑一匡憑語男兒
掀俗格泰山頂上覓宮牆

祁諸友約遊棲真岳

梅廟已蕪孫老蛻病夫今得上初山棲真直探喬松表佐主
誰堪絳灌間縱誓山河成泡影時從妬復扣靈關鏘然童冠
閉觴詠莫遣巖傍畫史看

上巳次介菴岳韻

初試春衫待曉曦欲從山隰探芳時不禁癡雨迷遊徑獨伴
閑雲宿講帷墻柏漸添新戶口砌花差勝舊家基藍輿何日
來觀化高詠榛苓話夢思

駐樟樹鎮用宜學韻

大火西流暑未舒扁舟東下興何如十年霜刃誰當試一代
天常敢自虛羣俊總看翔鷲鸚狂童應自化虫蛆金陵卧病
真時雨攘袂無勞說吮疽

次介菴岳韻時從征寧藩

百年養士欲何求六月王師未可休舟向中流須共濟恩從
簞食尙能酌誰將尺筆管吳楚天遣明堂棟禹周回首
秦陵清夢遠時憑東郭送雙眸

春夜懷于中惟濬

病骨東行問國醫秋風江上幸追隨新荷細吸忘歸石丹桂
閒吟聖濟祠夢入別懷春事永坐殘寒漏月華遲驂鸞應悟
師門訣願借金爐藥一匙

和朱惟靜韻

獨將病骨寄衡門掩卷時尋卧石温風捲閒雲山入座烟凝

新木鳥鳴村高情喜得堯夫樂薄俗猶疑趙孟尊大息斯文
真寂寞瑶琴餘韻定誰存

贈陽明先生

短棹三年衝盛暑迷途萬里覩重明識符沙井西山定派接
濂溪顛水清傳野初關霖雨夢東人誰慰繡裳情瞻依多少
丹邱興慚愧經時煉未成

贈舒國裳館長

南浦扁舟共往還百年心事細盤桓咲看富貴真春夢且許
雕鏤是鼠肝直道已將霜劒試斯文欲綴匣琴彈一峰頂上

東坡先生文集 卷之二十一 六十一
天猶遠注目層雲千尺竿

登石峰

緩步巖陰風滿襟翩然秋興自森森試憑良友歌聲壯爲喚
山靈午夢醒勝景初酬三月約好懷細訂萬年心烟霞塵土
仙凡隔共佩師言自砭箴

中秋子成原理諸友酌月下

迓月墻陰興不孤烹鱸酌酒列羣儒纖雲斂跡天衢淨皓月
浮階花影敷好認虛明澄寶鑑莫將污穢點水壺他時聚散
應無定記取清歌得故吾

九日過李生萃夫畏夫酌溪石和晦翁韻

掬水廬江試味時爲憐溪石坐忘歸效竒萬壑爭秋爽倒影
深林隔夕暉咏入中冷如共蒼塵從兩岸不沾衣西游不負
茱萸酒歸影參差月色微

迎仙橋

仙翁何處白雲飛閒倚闌干望禾歸壑轉白龍時出沒竹搖
翠鳳影依微病腸欲洗三闕癖立竅誰堪上乘機開眼皺眉
皆自取謾題危柱問征騑

同王宜學訪張汝立遊石龜巖

龜峰獨對曉霞明俯瞰羣祖列小瞿欲吸雲漿千日熟直乘
風馭五銖輕洞開曲徑窺仙室談入玄機得友生珍重離居
思自厲山靈解勘歲寒盟

次孔喬子成于淑韻

半生錯恠自忉忉山徑由來不受篙須信源泉方至海縱饒
枝葉未爲豪長途力倦鞭飛兔勅敵烽高礪孟勞試看曹溪
傳法手三更孤鷗尙能操

次孔喬子成于淑山房夜酌韻

短垣低築放春來更遣軒窗四面開縈抱溪山供嘯諾縱橫

花鳥盡與臺良朋能訪剡中雪好句閒吟東閣梅一醉不妨
開口笑相思行是隔年盃

同劉彥亮陳惟濟宿玉虛宮懷夏東洲于中

高架琳宮引石梯酒餘客散自攀躋坐來漸恐星河冷話久
不知烟霧迷白澗灘橫帆隱見翠微巖湧案高低浩歌初飽
清秋興何處東州野店鷄

和陳節推良弼元旦韻

起望東軒日欲紅九重天子正飛龍彈冠交慶三王業乘
醉高歌七月風誰肖傳巖調玉餽天將嘉靖啟神畏諍臣

遺稿君須讀多少蒼生墜谷中

和徐郡守士光元宵韻

星橋曾逐玉皇春十載山中夢正新明月不辭原憲陋清時
羞對武丁仁誰家綺席方盈耳幾處黎羹未入唇料得高閒
常刺史兵凶徃役倍關神

答彭子紹

握手故人別故山臨河猶自望山間梅花滿樹春誰領疊岫
出雲意共閒敢以利名牽世網欲將仁義敬
天顏他年松菊應無恙來往衡門定不關

同范以載憲副謂餘于東山畫院

縹緲東岡枕市湖瓣香冒雨拜師楷忠紆國步神猶在派列
斯文路未蕪剪燭劇談千古秘脂合按四通衢孤帆明日
鷺湖遠回首微言起故吾

玉山分司

懷玉重來十二年虛庭隱几思惘然塔山入坐晴猶翠杉色
當軒春自妍夜雨思親悲往夢孤焙許國對殘編青衫半掩
蒼生泪欲祝東人共息肩

遊武安山

野服遙穿草樹濛隔江烟火夕陽中石藏雲氣浮靈塔霧蓋
濤聲瀉玉虹良會不教風雨隔仙家還與市朝通茲行稍踐
名山諾拊手當年興大慵

釣臺酌磐石上

四山詰曲鎖江湍落手烟霞把釣竿短杖共隨初日上高臺
相對切雲寒三公不換一卷石千古誰爭七里灘尊酒石磐
歌慷慨君臣魚水兩爲難

西興驛次蔡希淵韻

江上棹歌發初晴夜來風雨歷窻鳴山川知己非無意行止

由天不用驚隔沼梅花迎客咲吹蘋魚子傍人行不知童冠
歸來日誰賡春風鼓瑟聲

游鑑湖謁禹廟用明道山行韻

畫舫山陰初放時青袍鵠立玉交圓欲將野興歸春服試定
新灣作釣磯得意風光能赴約近人鷗鳥不須飛芒鞋再拜
稽山下珍重分陰未易歸

同郭善夫魏師顏宿陽明洞

躡足青霄石萬尋謝墩何處更投簪雲穿草樹春亭靜水點
桃花洞口深屋漏拂塵叅秘訣匡牀剪燭動幽吟千年射的

山名在陽 誰能中真遣 桑蓬負壯心

明洞中

侍陽明先生及蔡希淵王世瑞登浮峰書別

遠隨謝屐出東臯 直訪梅巖子真常隱于此 不憚勞杯酒百年幾勝

踐初晴千里見秋毫 沙光映日開平野 石勢連雲湧海濤 醉

下長林生別思 烟汀回首越山高

遊萬松書院

萬石高撐留月臺 興來冒雨坐春苔 江濤帶漲潮初上 湖樹
凝烟翠欲來 勝賞將周吳 下屐清談不負故人杯 孔顏樂處
真何在 俯仰鳶魚莫浪猜

謁陸公祠飲儲精樓

層樓中占潤州高 晴日開窗遠望勞 三面曉巖堆翡翠 一江
春釀滴葡萄 乾坤妙處誰能領 富貴輕雲首重搔 欲起陸公
來海上 不妨痛飲歌離騷

同水部伍疇中李汝蘭遊雲龍黃茅岡

欲試春衣春已歸 芙蓉小閣醉烟霏 依依岡鎖真環合 落落
英雄幾是非 恠石尙疑坡老卧 片雲猶似縞衣飛 相逢隨處
堪行樂 未許浮名是勒羈

和邃菴相國丁卯莊見贈

夢破邯鄲一欠侑蕭然獨未忘斯民藏春塢在歸丞相丁卯
橋荒得主人松桂陰陰酣翠幄江湖渺渺指迷津夜寒猶向
烟汀望隱約台光護紫宸

浙江驛次陳惟濟韻

山林引興欲歸耕悵望郵亭幾日程悟主自憐無實學許
身早已咲浮名江涵潮勢乘秋漲山擁烟光向夕生便可把
竿從此去短茆低結傍嚴陵

寄劉歸安維中兼簡郭中洲昌修

滯獄相從酌重輕月明嘉石曉風清鶴亭有鬼冤當雪雀角

無嫌俗正醒要使窮厓昭國法未將分土玷平衡離筵更
對中洲約鄉邑由來有典刑

同萬汝信遊道場山用郭孝豐韻

冒暑登山興正奇每逢佳處步逶迤亂雲出岫時張蓋野鳥
啼簷似請詩病眼初瞻湖水澗閒情已許老僧知有待德音
歌頌水青山先擬寄狂痴

聚散相評事亦奇歸雲小院話遲遲思鄉未遂班荆飲乘興
高歌伐木詩直道已占廬阜重文風欲動越山知相從尙爾
牽公事為謝山靈莫咲癡

東坡先生文集 卷之十一 七十一
季秋試諸生

宿雨留寒秋事過
臯比獨擁愧蹉跎
千年正學誰源委
百里英才入網羅
鳴鳥欲聞王者瑞
白駒喜見碩人過
行藏自合無驕誦
試問諸生有志麼

出宣州宿陳村

衝雨宣城路正悠
野人相對泣無秋
吞蝗擬爲吾皇獻
却虎先懷漢吏羞
欲賑流亡誰上策
預聞水旱是先憂
空堂獨對燈花笑
早向三江理釣舟

橫山酬朱士光道長

集仙亭上雲扶踈
時數行雲玩大虛
流峙山川八卦盡
參差花柳九邱書
世態儘教歸蚌鷸
閒情早已付鳶魚
故人爲印刀圭秘
自保靈丹一粒初

雨中同濮廷威諸友登橫山

高皇曾此駐天戈
留得龍章照薜蘿
要使烟霞常入手
不妨風雨亦相過
化機有象春將滿
守土無功歲未和
爲祝湫龍時雨曠
振衣頻得聽樵歌

連山新作書屋簡晉壇三峰諸君

分得黃公第幾窩
樓居突兀破松蘿
衣冠始發山靈秘
桃李

潛回淑氣和翠壁一竿談易象仙源九曲侑絃歌夜闌更揭
先民業嶽麓嵩陽意若何

巳酉新春和大蒙陳子栢韻

江漢瀾瀾欲濯之若爲鼓柁定何期調傳白雪歲將晚風遞
東陽春正時衰鳳漫吹燕谷律冥鴻遙賡玉臺詩北方豪傑
應回首輸與陳門又得師

同念菴登雙江凌空閣用白沙公韻

四顧千峰儼若城烟雲時與一墻平半空樓閣三天近萬古
升沉一羽輕恩報金鷄旋北闕調傳嚶鳥勒西銘同游莫

作閑登陟不着絲毫眼自明

次雙江兄歸田志喜韻

乾坤嘯傲成詩讖秉燭相看夢裏身九重曾問平原狀三
晉猶聞畏壘民布襪白臺泉噴雪青藜五嶽閣藏春從今擔
住師門託一點靈光萬古神

宿凌空閣呈雙江念菴諸同游

結閣凌空不憚高直疑天巧付人豪八窗星斗靈臺象萬頃
烟雲碧海濤擬共金燈呼縞鶴還誰浩劫立霜鼈男兒事業
無疆界已許冲玄着脚牢

兩城郡侯約同念菴諸君別文山祠下

使君節操古人同
畫舫焚香拜信公
一代靈光須有寄
九天浩氣自生風
咲談情洽開名教
樽俎謀深折虜戎
此別祝公台鼎上
乾坤整頓且從容

攜諸友升仙巖

絕壁泊舟千仞懸
曉扳石磴探飛仙
真機默悟冲融內
恠迹遙看渾沌前
雲湧象獅蹲魏闕
風驅山鬼役秦鞭
舟人莫記歸時路
已約應天峰頂眠

上清宮遇濮冬官致昭話舊

廿載臯比擁復初
觀光時得惜君諸
誰知燕北皇華節
正遇江南尋樂車
祈雨壇深雲屨濕
寥陽殿古月窻虛
千年位育真丹訣
細訂中庸一卷書

次洪覺山冲立赴會

紫陽山下客初歸
夢破舟移壑不移
萬卉苑枯成莞爾
半生冷煖自知之
仙窻烟霧堪爐鼎
洞口榛莠奪路岐
正擬應天升絕頂
秋陽一脉話幽期

次覺山登象山頂上

振衣絕頂澹望歸
坐看丸中日月移
皜皜天機安有隱
茫茫

世路竟何之，孩提根上培。靈脉義利關，頭斬亂岐誰展經綸。
新廢址，鄉方宿道默相期。

和明水樓居對雨之作

攜手冲玄百尺樓，丹崖翠壑爲誰幽。象山鶴報雲開霽，聖井
龍歸雨送秋。遺訓自應隨驥足，迩各不用着羊裘。年來穩拄
譚生杖，踏盡蓬萊碧海頭。

訪真人府同明水，緒山龍溪覺山少。初及江懋桓劉淵

化汪希文沈子靜，何伯循洪子明。謝惟仁張景仁程
汝一鄭子畏謝濟之謝惟近，周有之王以忠王仲大

江叔源張道亨洪仲誠錢貞民錢容民升御書樓

凌虛突立御書樓，白日平臨洞府幽。天目遙分吳苑曙，赤松
猶帶漢時秋。誰從被褐能懷玉，却笑肩薪反負裘。夜靜共升
仙隱榻，一簾寒月掛簷頭。

贈王仲時

洞府尋真對大虛，雲端忽接赤城書。涕從哭寢難忘世，訊執
趨庭日豈予。瑶琴絃在修塵軫，楷木風淒念舊廬。蒲擬共溫
東海釣長鯨，一掣棄凡魚。

次瑤湖王子睡起書感

望洋東海幾經年誰續仙翁三字傳
盛暑漫勞升嶽麓峭寒猶共卧冲立
忍將蠅矢汗完璧可認蝸廬作洞天
珍重析機掀舊習滄溟一脉日源泉

明水媼家別文殊寺

秋淨冲立咲口開節移長至尙徘徊
疎鍾初曙文殊寺霽月頻分擬峴臺
利絕一原真易簡金從百鍊可遲回
采芝更憶通天句白首相傳黃綺來

謝復古諸友仁壽會

桑弧初度中和節玉瓚誰開仁壽筵
一堂風塵聞天籟千壘

雲帆枉列仙瑟備歌傳淇上竹經綸緒在舜廷絃
自慚兩負趨庭夢再拜羣英共著肩

奉步艮山叔父見壽

仙韻鏗然下洞天不須宮徵自神全
御家久諳河汾舊寡過誰爭伯玉前
喜對光風蕙萬卉愧無膏雨澤羣顛
從今菉竹增新社真率應容涑水年

雙江原山念菴及師泉梅源三峰諸君同宿文明用前韻

披衣正憶劬勞夢駿業芳聲兩未全
真脉不融無極表浮生

空戀有涯前觴傳春服歌沂水榻倚南窗卧華巔為祝羣公
霄漢上更教外國訊裴年

洪陽洞次 介溪相國韻二首

老癖尋真歲幾回吹藜又訪葛樓來洞庭罔象穿波出月窟
瓊瑤冒雪開泉浸芝田真可種雲封科斗不生苔酒闌共話
長生訣失笑牛山浪自哀

盛年曾約碧山阿老共青衿入翠蘿洞裏乾坤真有幾眼前
仙佛亦無多雪雕萬象勞神斧春透陰厓散玉柯日暮浩歌
忘爾汝仙翁應咲是誰何

東廬林郡侯遺謝劉諸生侍遊慈化及天龍途中代訊
乘春童冠躡招提滿路嚶鳴遠杖藜卷卧枕邊雲氣濕浩歌
池上月華恒九閼雪竇闕神匠千丈丹崖破甕鷄遙憶郡齋
休日吳清香一炷夢昌黎

會石屋年兄于舟遂携諸友步入青原

脚跟久踏洪陽雪舟尾仍温石屋槎咲入青原尋舊隱恰逢
靈雨潤新葩旋堆石片梁溪口小斲荆稍柱屐牙拊掌泣途
真落魄乾坤何處靳烟霞

善山明水石屋師泉三峰諸君游二洞用明水韻

鹿洞何年聚異才行窩亦傍洞門開德星似映丹爐色杖柱
迺歌豐芭材燕咲蒲堂眞帝力靈光一點自仙胎卧雲共醉
西隣老莫厭吟風弄月盃

同三峰柱史訪草堂賀朱兩川郡侯壽

依竹披雲構草堂兩川春色晚蒼蒼直從詩禮傳洙泗未論
簪纓接宋唐拍手呵田鷓燕語放歌頰弁薦蘿長由來貞壽
傳靈派黍律蒸烟倍有光

自三峰趨壽伯姊夫人夜讌

三峰鶴侶酣東籬更赴羣甥獻壽卮小弟放歌分黍谷仙斲

夜讌儼瑤池鳴鳩賦就南渠筆慈利譚得涇野碑莫向古稀
談盛事蟠桃原是八千期

次紀山曹柱史白鷺書院韻

聚秀樓涵萬頃秋簷楹俯瞰江流霜清白鷺浮中渚木落
青原露碧邱咲對干旌誰與並歌傳伐木欲何求行吟擬報
緇衣句更向菁莪祝共酬

謁康山旌忠祠

旌忠遺廟枕康郎薜荔猶圍古木蒼風雨五更嘶鐵騎波濤
萬頃奠椒漿楚聞紀信奸魂落漢向昆陽帝業光欲借幽風

東坡先生文集 卷之十一 七十九
千古筆殷勤圖畫獻朋良

滕王閣呈默泉紀山東石諸公

滕王高閣奠西山北望 神京縹緲間
畫棟飛雲留古堞子旄詠俗駐江干
病夫久愧安心法諸老須研醫國丹
拊欄朗誦希文句後樂先憂第一關

入徽州界宿道湖懷緒山諸君

齊雲遙望擁仙駢短棹衝寒共振衣
舟向蓮花灘上度鳥依菴盡界中飛
靈根欲趁新陽茁丹鼎誰憐宿火微
早晚化城尋舊訣魯戈斜日尚堪揮

休寧登玉几山諸友同酌南薰樓

誰駕雙虹玉几前危樓夕讌俯長川
星辰半落銀河影燈火遙通梓澤烟
節迎長至陽初動夢破邯鄲興欲仙
影響支離憐絕學鏗然童冠是何年

雙溪湛塘約遊巘鎮臺遂登塔上

雙秀樓頭掛豸冠一尊攜我得奇觀
玉臺四望嵐光合文塔平衝斗氣寒
共咲相輪探實際幾能中泚砥狂瀾
中天積翠君知否更綴仙宮第一班

請師山書院勉鄭生景明諸友

西沙橋上蕭冠裳再拜高談忠義堂却咲墻間爭一飽誰從
雲外歷三光熊魚有辨輕溝壑鸞鶴無心羨稻梁憑語鄭村
諸俊杰光前啓後定何方

雪中度畫嶺赴順之周司諫諸友水西之約

雪舟約向剡溪來翬嶺高寒雪未開路鑿石門疑棧閣雲迷
環海擁瑤臺飛騰欲試騷鸞法磊砢還澆中聖杯爲慰同遊
勤跋涉肯教清興却空回

磨陽趙柱史約飲萬山書屋

歲晏江梅對舞雩冠愛客共踟躕萬山朗月疑清畫四野

連薨擁畫圖救火喜聞醫國策採芝初試遠遊模卧龍羽扇
噓炎燼却咲優人亦起予

雪中聚講水西寺和巖潭王郡侯韻

鍾山別袂喜重逢對雪何如詠浴風 袞職空慚添線候茅
簷稍慰辟蝗功咲分郢曲宮商外共鍊黃芽始復中千古謫
仙雲錦句雪山一諾偶然同

謁龍池吳憲伯忠義祠

紫陽童冠約初酬更向南陵吊故侯陰壑泥深淹逆旅叢篁
雪重拂征裘死綏大節光千祀掛劍孤懷歷九秋夜散羣英

看斗氣尙疑千鎖貫奎婁

九華遇雪

化城擬借半床霞誰遣平鋪白雪芽
四望峰巒堆瑞玉千林松檜茁瓊花
興從灞口添詩景夢繞榆關擁巨牙
千古朱張南嶽緒乾坤到處是吾家

池口玩月甚佳

遠遊三賞月華深池口扁舟更賞音
萬里江流縈地脉三更月色正天心
憂時共祝烽烟淨吊古寧辭衣露侵
爲謝江神知客否片帆一借故山岑

和師泉兄見懷韻

禹穴曾同萬古懷相知寧復索形骸
聚仙風掃竹林霧勉志晴開地藏厓
蒿目每憐墮肉醉蓬心誰習露葵齋
吹藜更約回燕律一點先天自化裁

贈師泉兄

海岸登舟約勝游爐中火候共綢繆
吹葭律三千里時醉藜烟十二樓
雪屐開雲華頂上風帆弄月大江流
相期了却師門脉弱水丹邱拄杖頭

諸友同升武功二首

市塵久擬避炎蒸見說雷岩亦可升白首穿雲驚破履青衿
踏月幾傳燈仙蟬遞奏金鈴樂靈木時懸玉峽藤長白北原
風格在壯懷猶憶古人曾

老境圖南息六月羣英決策躡千峰靜聽鐵笛吹黃鶴閑啟
丹函扣赤松天近恍疑星緯冷龍歸不覺洞雲封相期更踐
羅浮夢撞遍東南第幾鍾

石莊文獻堂舉北里鄉約次諸友韻

堂開文獻儼儒紳高帝敷言又一新良牧喜修三代緒荒
年行挽四郊春劔賣潢池非上策橋編螻螻尙知親丁寧直

透藍田脉剖破藩籬自伯淳

聚講寮塘次首尾吟呈同會諸君二首

人生幾是出頭時稽首師門揭致知化贊兩儀昭帝則學
承往聖息浮辭一肩遠担行方始千丈狂瀾祝共支莫遣惜
陰成畫餅人生幾是出頭時

人生幾是出頭時屋漏融融只獨知聖學豈容叅俗態真機
原不費繁辭日從陽谷塵難伏雷震虞淵力自支却笑狂藤
纏古樹人生幾是出頭時

別廣德父老

白茆倚馬別桐川不待驪歌思黯然萬井桑麻初曉穫蒲城
桃李欲春妍撫摩未盡平生學攀挽空慚父老筵清夢定知
能識路時從高閣訂遺編

齋居酬劉舜弼

曾從象魏瞻 仙駕萬炬金蓮擁從官南省初移桐泖棹齋
宮猶似玉堂寒月將雪色浮鍾阜風領祥光遶禁壇敬一已
知迎 帝眷日新更祝誦湯盤

酬呂涇野

掃雪焚香案几幽夢回書卷靜相求聲傳谷鳥初開戶雲近

長安更倚樓玉燭欲調春止永靈芝未秀鬢將秋匡山番水
波千里一曲滄浪狎病鷗

同年會鷄鳴寺次牛西唐韻二首

百年道義歸吾榜風雨鷄鳴正稱情要使汗青收定價肯教
金紫博浮名樹涵春色千林喜塔瞰湖光萬頃明扶醉鏘然
發洛詠未須絃管沸新聲

南北驅馳十八年菁菁 豐芭夢悠然卽看賓席開今雨且
與山靈話勝緣壁水弦歌窗外發 帝城烟樹望中連從今
莫惜春衣典已見微紅萬杜鵑

坐石梁觀泉簡龍雲東

石梁橫亘奪神工坐挹飛泉落碧綺雲錦織成機女軸珠簾
深護水晶宮誰能彩筆描冰雪且和清歌洗贖聾擬作洗心
亭子在路人莫笑醉翁風

和朱方山韻

嘉會百年竟屬誰斯文將續亦天機即喜兒童爭聚聽更聞
耆舊共知非一瓢不換三公鼎千駟猶輸半握薇莫道方山
春色晚魯陽西日正堪揮

中秋歸澈源遂入九峰會諸友

桂風槐雨送秋清乘興巾車出北城羣弟共看中夜月九峰
還續隔年盟兩間寶鏡原無翳千載黃鐘竟幾成不用將迎
倍惆悵昨非今是是丹經

宮寮讌集次大宰松皋翁韻二首

東府真看棧樸蒼何妨湛露續新觴錦京芭水原貽子商鼎
塩梅正擇良禮樂百年虞夏際風雲萬里禹臯傍願將嶰竹
被清韻谷黍依依化日昌

丹裏共指蒼穹蒼洛詠鏘然間羽觴一代仙僚還肅穆千秋
寶籙望 明良玉河正演天潢上冲氣初回緹管傍獨愧踈

狂三十載也乘欸段步文昌

鷄鳴寺夜坐寄同游諸君子

露坐虛庭夜氣閒高談直透幾層關
禹顏融會行藏外舜蹠分明善利間
雨後星河咸歷歷望中烟樹自班班
別離莫向尊前說皓月天心共往還

中秋過石磐館長飲月下

百歲清光幾正盈良朋况復對秋晴
松篁倒影方塘靜岩壑攢奇四座傾
談入忠文生浩氣望從簡肅自家聲
向來寵辱真何在莫遣頑雲點大清

用韻荅巾石論學

孔庭遺檜楫猶蒼莫遣橫流更濫觴
鳥獸可羣咄咄駭弱馳驅有範許王良
道從羲畫先天上與在濂溪霽月傍
爲報簫韶未寂寞斯文一脉又辰昌

重陽先日同詹少華子酌嘯岩用韻酬荅

重陽明朝來定穩問訊黃華開幾本
谿筍正探嘯岩奇露霖更際初日烜
少華風馭迎江濱久要不恨相逢晚
酒闌笑結隔年約雲鏞共飽朱陵飯

輓鄧九邱龍川二翁

身厚錄卷之三
卷之一
八十六
蓉峰鰲石擁高深應有珪璋出鄧林白鹿效忠知舊業青原
辨惑見真心有兒傳緒修瑤匣無地論交理素琴楚些欲招
明水筆九京亦自賞知音

澈源書屋次鄧生宸章韻

避影村居擬坐忘炯然帝則見羨墻按雲時玩中天月浥露
還沾隔壠香防檢謾勞泥屨滑切磨休嘆聖途長可憐沉酣
牛山侶忍把靈根手自戕

過小孤山

洞庭彭蠡接天浮宇宙誰將砥柱留秀奪金焦其後拒雄分
灩澦讓安流江山萬象歸奇覽風月百年幾勝遊酌酒馮夷
還共慨蓼蘋鳧鴈滿汀洲

玄潭次龍溪見贈

純陽舊館集章逢自愧銛笙未易從風御重來三伏駕天機
誰起五更鍾靈明一竅師傳闕瑟備新功病骨慵長憶闔然
連榻語成名易世幾潛龍

緒山同師泉巖泉及諸生九日升連嶺四角峰頂上

袖得胡仙九日雲四峰決策玩氤氳中天恍坐靈光殿俯顧
疑旋碧海紋禹穴傳衣千里至華山遺調九闕聞兩谿釀熟

東坡先生文集 卷之十二 六十七
瀘溪酒醉讌黃花忘日曛

翠岩黃使君贈二兒北上次韻

閩岩聞說瑞光饒坐瞰東溟印翠標教鐸已傳孚錦芭元聲
還擬叶虞韶貽瑶濫許燕山桂折竹慚編宋氏橋鳳沼香烟
成徃夢丁寧兒輩報清朝

邱生時讓自閩至夜談有感

千里擔簦來盛暑道南一脉定疇宗卽看夢晝分蕉鹿幾向
尸居見燭龍陋巷萬年尋孔樂阿房一炬失秦蹤前知透取
妖祥外起瞰扶藜不俟鍾

劉吾南郡侯王懷鶴邑令約偕劉師泉及楊邦彥程栗

夫美兒劉紹錦紹藩遊水簾洞王劉二邑博胥會

振衣九曲共盤桓更向簾泉償大觀五月行採珠履濕半空
飛下玉霓寒鼻真洞矚玄機淨棗竹觴傳禮數寬爲謝卓黃
光勝會蚤將霖雨霈塵寰

雙江翁示先坐甘露卷次韻

聖朝屢慶薦甘露宮保新傳降樂邱蝶翅珠鏤分寶甕蓼蕭
酥滑對成周孝德正占隆壽耆至和更兆續箕裘桐江史筆
援神契壓倒祥符石室謳

周嚴厚致歐陽懋績劉重念許欽智諸塾師詠頌次韻
鄉校從來月旦明何當片善播謹聲正憂流俗無隄檢靜憶
前修耿法程衮鉞文成麟自至孤嫜仁溥鳳先鳴天人一派
還千古祝取同袍鼓棹行

良知正脉听鷓明莫向羣鴟更聒聲新締小樓邀日月時開
遺卷對周程援溺未能回菜色遷喬喜得賡嚶鳴人間科第
三年轉蒙養原基萬里行

浮峰敬所紀山蒙泉約公館聚講諸師諸生同會簡郡
侯劉吾南黃遜齋

洗心亭上對春陽鼓瑟聲希與亦狂貢院昔年溫舊調薇垣
今雨灑羣芳教從學道絃歌藹功在研幾屋漏光此去鷺湖
無剩語瓣香遙拜玉山堂

同諸生及龍生序人文田文汝純汝立汝器觀厚槎
道旁奇石遂訂石洞別署

久從兩洞卧雲房疊石宜陽亦擅場何日將軍來射虎幾番
仙子欲驅羊巾邊灑酒瓊漿潤澗底烹荆玉髓香千古道旁
無巨眼定應待價始呈祥

卷十三終

後序

嘗觀之古君子所以立人極而承道統
庸言庸行亦臨亦保不期乎於天下而
天下自孚之惟其誠而已矣夫天惟其
誠也是故發為日月星辰慶雲甘露之
文地惟其誠也是故發為山川草木鳳
麟龜龍之文君子苟徒以文章鳴世而

匪誠其身吾未見其能孚於天下而參
天地者也我

朝陽明先生易簡玄微之學肇源天稷獨
詣聖真似之續之其門弟子雲集波詭
至今盈天下良可謂一代之盛矣求其
不愧於誠而能發其所未發以會歸於
中行者其惟我東廓先生乎蓋先生夙

隣上智講學于東廓山中素以舉夔伊
傳自期不徒以文章鳴世者也惟其發
於身心之誠而有言與其不得已而言
之以啟迪二三子者皆出於大公順應
之本體而默會天地聖人之常先生固
不欲傳而世傳之不容已也門人蓬萊
陳辰始類其初稿以梓諸同志又摘其


言之切於要者一百二十四篇梓之名
曰摘稿而晚年所著錄未備也今吾南
劉翁來守于建偕容山董翁鳩其全集
梓之以惠天下學者嗚呼讀者於此而
良知之心可以油然而興矣蓋數十年
來諸老凋謝先生以大司成懸車而名
節炳々亶如泰山北斗天壽平格又巍

然如魯靈光之獨存年滿高而德彌邵
故心德之妙無欲之真所謂江漢以濯
秋陽以暴曬々氣象殆庶幾有之矣先
生平日誨人諄々以此為則豈誣人哉
寬不佞今莊讀先生晚年之言渾然天
成擺脫窠臼恍遊瀛洛以達洙泗其感
人之敏如沉醉而忽醒如久客歸而欣

見父兄如病於炎暑而濯之以天風也
蓋良知良能人所固有不假外求先生
發之以誠而寧有不動焉者乎即此動
處作聖之機也動則變之則化常明常
覺常大公常順應而皜々氣象有不在
我者乎或謂古今一仲尼今輒以肫肫
皜皜黽懋後覺無迺迂矣噫人性皆善

可為堯舜江漢秋陽豈性體外物惟湛
於欲者失之故超然獨詣則天人同歸
但戒懼慎獨之臨之保功夫在勿忘勿
助焉爾先生淑世之方所以大有功於
名教也而我劉翁嘉惠後學其思以立
人極之志亦殷矣寬沐教門下并承諭
校茲集有亥承之訛者恍拜先生于羹

于墻又烏能無一言以申願學之衷云
嘉靖戊午春閩建門人程寬粟之拜撰



于培又為法... 嘉靖戊午春... 門人程寬果之拜

